

¿Sabías que...?

- Pal año que vien el Gobierno prevé que'l PIB miedre 50.000 millones d'euros, pero'l «techo de gastu» —el límite de gastu marcáu pa les Administraciones Públiques— namás crez 1.500 millones d'euros, situándose entavía 60.000 millones perbaxo del 2010, y mesmamente perbaxo'l del 2013. El crecimentu nun val pa revertir los recortes.
- Como consecuencia, el pesu del gastu públicu nel PIB va volver baxar n'España, y eso mesmo va pasar col gastu n'educación y sanidá. Esto allónganos cada vez más d'Europa: vamos dedicar a la política pública'l 40,5% del PIB, frente al 47% de media de la zona euro. La propuesta de política económica del Gobierno sigue toyendo'l yá de por sí flexe estao social del nuestro país.
- Apesar de los anuncios del Gobierno, el gastu social tamién va medrar mui perbaxo de lo que lo va facer la economía: 2,8% frente al 4,3%.

¿Sabías que...?

- La consolidación de los recortes obedez a la falta de midies qu'aumenten la progresividá fiscal (tributación del capital y de la riqueza, eliminación de deducciones n'impuesto de sociedaes de les que se beneficien les grandes empreses) pa resolver el problema verdaderu: unos **ingresos públicos insuficientes**. Tamién aquí nos allongamos d'Europa: seguimos estancaos nun 38% del PIB, frente al 46% de la zona euro.
- Baxar impuestos y reducir el déficit namás puede facese consolidando servicios públicos insuficientes pa la mayoría.

¿Sabías que...?

- Les **inversiones públicas** tán yá nel so **nivel más baxu dende hai 50 años** en términos del PIB (1,9%) y 30.000 millones d'euros perbaxo del nivel d'antes de la crisis. La parte más grande del aumentu previstu pal 2018 va ser inversión militar.

¿Sabías que...?

- Les coses, depués de cocer, mengüen: el Gobierno presupuesta cifras récord d'ingresos públicos, pero nel 2017 la recaudación foi 7.000 millones menos de lo presupuestao; el Gobierno namás executó nel 2017 un 30% del gastu presupuestao pa I+D+i, o'l 66% de lo presupuestao pa dependencia; el Gobierno namás presupuesta'l 40% de lo que tien comprometío pa financiar el pacto en contra de la violencia machista; el Partíu Popular y Ciudadanos incluyen nos PXE del 2018 midies con munchu menos presupuesto de lo qu'anunciaron cuando pactaron la investidura de Rajoy.



cuentasparaunnuevopais.info



¿Qué ta pasando colos Presupuestos Xenerales del Estao (PXE) pal 2018?

El Gobierno presentó los PXE del año 2018 en Congreso con mediu añu d'atrasu y ensin negociar apoyos bastantes como p'aprobalos: **una amuestra de la so debilidá, de la so falta de liderato y iniciativa.**

El contenío del proxecto aprobáu pol Partíu Popular y apoyáu por Ciudadanos confirma, amás, la **falta de cualesquier proxecto de futuro**. Los presupuestos suponen la continuidá del modelu de la política económica d'estos años y otra **oportunidá perdida** p'aprovechar el crecimentu en favor de los cambeos que precisa España.

El crecimentu económicu nun ta xenerando **progreso social**: nun ameyora la situación de la mayoría y l'alta desigualdá apruz como una «característica estructural» de la nuestra sociedad. Hai que poner unos **presupuestos alternativos** al serviciu d'una nueva política económica y social pa facer que la «salida de la crisis» sea una realidá pa toos y pa toes. Pa ello fai falta revertir los recortes n'educación, sanidá y dependencia. Sí qu'así, los PXE presentaos pol Gobierno suponen la **consolidación de los recortes** de los años pasaos.

La política del Partíu Popular **nun favoreció un cambeo necesariu na forma na qu'España crez, y estos PXE tampoco nun lo van facer**. Nun lleven midies pa garantir la sostenibilidad nin la transición enerxética; recorten les partíes de llucha en contra del cambeo climáticu y nun recuperen la inversión pública; tampoco nun prevén partíes pa impulsar un procesu de dixitalización que se ponga al serviciu de la mayoría o pa impulsar la igualdá de xénero.

¿Qué proponemos?

La nuestra propuesta da prioridá a la reversión de los recortes en servicios públicos fundamentales, a la reducción de les desigualdaes y a una política activa pa una verdadera tresformación del nuestro crecimentu.

1. Un crecimentu inclusivu que asegure'l progresu social

- » Puesta en marcha d'un verdaderu Programa de Renta Garantida pa les cases que nun tienen recursos bastantes.
- » Eliminación del Índiz de Revalorización de les Pensiones (0,25%) p'asegurar que toes s'actualicen, tolos años, a lo menos lo mesmo que l'IPC. Nun eliminar esti índiz de revalorización supondrá una pérdiga del valor real de les pensiones de cerca del 30 % nos años que vienen.

- » Aumentu de les pensiones mínimes y de les non contributives.
- » Financiamientu de la Llei de Dependencia pa garantir un nivel de protección mínimu que ponga fin al «limbo de la dependencia» (más de 300.000 persones que tienen reconocíu'l derecho, pero que nun reciben ayuda).
- » Plan d'Emplego pa la Mocedá que facilite la entrada de los mozos y les moces en mercao de trabayu y qu'impulse la vuelta de los emigraos.
- » Gratuidá del material escolar pa garantir la igualdá d'oportunidaes escolares nos tramos d'Educación Primaria y Educación Secundaria Obligatoria.
- » Plan d'Arriendu de Viviendes a Precios Sociales.
- » Plan d'intervención rápida p'acabar col emplego precario nes Administraciones Públiques y ufierta extraordinaria d'emplego públicu con 20.000 places nueves.

2. Un crecimentu moráu qu'acabe colos desfases de xénero

- » Reformar el sistema de permisos por nacimientu o adopción p'aumentar el permisu de paternidá actual hasta igualalu col de maternidá. Pa garantir la igualdá efectiva de derechos, el permisu tien que ser igual pa padres y madres, intresferible (como tolos demás derechos laborales y sociales), con una remuneración equivalente al 100% del sueldu y con protección del puestu de trabayu a lo llargo del exerciciu de los derechos de maternidá y paternidá.
- » Escueles infantiles de 0 a 3 años de baldre.
- » Plan d'Eradicación de les Violencies Machistes: puesta en marcha inmediata de les midies aprobaes en dictame del Pacto d'Estao en Materia de Violencia de Xénero.

3. Un crecimentu verde que promueva la transición enerxética y encare'l reto del cambeo climáticu

- » Plan Nacional d'Eficiencia Enerxética (1.300 millones d'euros): plan d'ayudes a la rehabilitación de viviendes, qu'atienda especialmente a la rehabilitación enerxética.
- » Plan de Movilidad Eléctrica, a fin de substituír los vehículos de gasolina y diésel por vehículos eléctricos. Pa qu'esti procesu favoreza una estratexa de crecimentu más sostenible, tien que se facer en combinación cola

reducción drástica del pesu de la electricidá que se xenera pola quema de combustibles fósiles y con una colectivización creciente del tresporte, relacionaes con estratexes de desenvolvimientu del tresporte públicu.

4. Gobernar la dixitalización a favor de la mayoría

- » Puxu (y democratización) a la dixitalización de la economía. Incrementu nes inversiones n'infraestructures y redes encaminaes a favorecer la dixitalización del nuestro texiu productible. Acompañaos de lexislación pa erradicar les formes nueves de «precariedá dixital».
- » Plan de salvación de la ciencia y la I+D+i, con un incrementu de la inversión y midies de favorecimientu de la vuelta del talentu emigrao.

5. ¿Cómo financiar les reformes propuestes? Asegurar un suelu d'ingresos pa garantir l'Estao Social

Garantir y reforciar la capacidá redistributiva del nuestro estao social y al empar impulsar la modernización de la nuestra estructura de producción namás será posible si s'encara la siempre pospuesta **reforma fiscal**. Reforciando la progresividá y lluchando con más eficacia en contra del fraude fiscal será posible facer medrar significativamente'l percentaxe d'ingresos sobre'l PIB y acercanos a la media europea (situada actualmente n'8 puntos del PIB). Nos PXE del 2018 tienen que s'incluír yá delles midies:

- » Incrementu de la fiscalidá verde p'acercanos a la recaudación europea.
- » Recuperación d'una tributación de la riqueza: impuesto sobre les grandes fortunes.
- » Creación d'un recargu de solidariedá sobre los beneficios de la banca y d'un impuesto de transacciones financieros.
- » Incrementu del gravame sobre les rentes del capital. Eliminación de los beneficios fiscales de carácter más regresivu, como por exemplo les desgravaciones de los grandes grupos empresariales n'impuesto de sociedaes.
- » Mayor progresividá nel IVA, baxando'l tipo hasta'l 4% a los bienes culturales y de primer necesidá, y hasta'l 10% a los suministros básicos.

